



II ХАЛҚАРО ИЛМИЙ-АМАЛИЙ КОНФЕРЕНЦИЯ

**Ўзбекистон Республикаси ҳаракатлар
стратегияси: макроиқтисодий
барқарорлик, инвестицион фаоллик ва
инновацион ривожланиш истиқболлари**

**Илмий маъруза ва мақолалар
тўплами**

IV ШУЎБА

2019 йил 27-28 май

ДАВЛАТ СОЛИҚ ХИЗМАТИ ОРГАНЛАРИ ФАОЛИЯТИДА АХБОРОТ-КОММУНИКАЦИЯ ТЕХНОЛОГИЯЛАРИДАН САМАРАЛИ ФОЙДАЛАНИШНИ ТАКОМИЛЛАШТИРИШ

Содиқов И.Ғ.¹

¹ТДИУ мустақил тадқиқотчиси,
e-mail: i.sodikov@tsue.uz

Алимарданов М.И.²

²и.ф.д, ТДИУ профессори,
e-mail: m.alimardonov@tsue.uz

Юсупов О.А.³

³ТДИУ катта ўқитувчиси,
e-mail: o.yusupov@tsue.uz

Давлат солиқ хизмати органларининг асосий вазифаси белгиланган солиқ ва йиғимларни ўз вақтида, белгиланган ҳажмда йиғилишини таъминлаш йўли билан давлат бюджети даромадларини шакллантиришдан иборат бўлиб, мамлакатимизда давлат солиқ хизмати органларида замонавий ахборот-коммуникация технологияларидан оқилона фойдаланишнинг кенг йўлга қўйилгани изчил ривожланишга хизмат қилмоқда.

Мустақиллик йилларида мамлакатда бозор тамойилларига жавоб берадиган солиқ тизими шаклланди, солиқларни бошқаришнинг замонавий методлари ва механизмлари жорий этилди, солиқ органларининг яхлит тизими яратилди, лекин ҳозирги кунда солиқ тизимини хавфсизлигини таъминлаш давлат солиқ хизмати органлари фаолиятини илғор ахборот-коммуникация технологияларини қўллаган ҳолда модернизация қилиш ҳамда ишларни ташкил этишнинг замонавий шакл ва методларидан зарур даражада самарали фойдаланишни тақозо этмоқда.

Ҳозирги кунда мамлакат иқтисодиётини етакчи соҳа ва тармоқларининг замон билан ҳамнафас фаолият юритишига барча зарур шароит яратиб берилмоқда. Кичик бизнес ва хусусий тадбиркорликка кенг йўл очиб берилаётгани, ахборот-коммуникация технологияларининг ҳаётимизга изчиллик билан жорий этилаётгани эришилаётган самарали ютуқларимизнинг мустаҳкам пойдеворини ташкил этмоқда. Солиқ соҳасида амалга оширилаётган кенг қамровли ислохотлар натижасида мамлакатимиз иқтисодиёти барқарор суръатлар билан ривожланиб, ишбилармонлик муҳитини янада яхшиланишига замин яратмоқда.

Ўзбекистон Республикаси Президенти Шавкат Мирзиёевнинг 2018 йил 28 декабрдаги Олий Мажлисга Мурожаатномасида 2019 йилдан бошлаб жорий этилаётган янги солиқ концепциясининг энг асосий ғояси солиқ юкини

камайтириш, содда ва барқарор солиқ тизимини қўллашни кўзда тутилиши таъкидлаб ўтилди:

«2019 йилдан бошлаб жорий этилаётган янги солиқ концепциясининг энг асосий ғояси солиқ юкини камайтириш, содда ва барқарор солиқ тизимини қўллашни кўзда тутати. Шу орқали иқтисодиётимиз рақобатбардошлигини ошириш, тадбиркор ва инвесторлар учун ҳар томонлама қулай муҳит яратишга эришиш мумкин.

Янги таҳрирдаги Солиқ кодексида мамлакат тараққиётининг таянчи бўлган инсофли, ҳалол солиқ тўловчиларни рағбатлантириш.

Буни самарали солиқ маъмуриятчилиги орқали бартараф этиш ва бюджет барқарорлигини таъминлаш мумкин»[1].

Солиқ юкини изчиллик билан камайтириш, солиқ солиш тизимини соддалаштириш ва солиқ маъмуриятчилигида замонавий электрон маъмуриятчилик тизимини такомиллаштириш, иқтисодиётни жадал ривожлантириш ҳамда мамлакатнинг инвестициявий жозибдорлигини яхшилашнинг энг муҳим шартлари ҳисобланади.

2017–2021 йилларда Ўзбекистонни ривожлантириш ҳаракатлар стратегиясининг бешта устувор йўналишларидан бири бу ***иқтисодиётни ривожлантириш ва либераллаштиришнинг устувор йўналиши***да солиқ юкини камайтириш ва солиққа тортиш тизимини соддалаштириш йўлини давом эттириш, солиқ маъмуриятчилигини такомиллаштириш ва рағбатлантиришнинг тегишли чораларини кенгайтириш белгилаб қўйилган бўлиб, мамлакатимизда олиб борилаётган бюджет-солиқ сиёсатининг ва амалга оширилаётган иқтисодий чора-тадбирларнинг асосий мақсади бюджет даромадларини оптимал равишда шакллантириш, шунингдек бюджет харажатларидан самарали фойдаланишга қаратилган. Бугунги кунда давлат солиқ хизмати органлари тизимида ахборот-коммуникация технологияларидан самарали фойдаланиш, инновация ва модернизациялашга қаратилган туб ислохотлар амалга оширилмоқда.

Давлат солиқ хизмати органларининг асосий вазифалари қуйидагилардан иборат:

1. Давлат солиқ сиёсатини амалга ошириш ҳамда солиқ тўғрисидаги қонун ҳужжатларига риоя этилиши, солиқларнинг тўғри ҳисоблаб чиқарилиши, тўлиқ ва ўз вақтида тўланиши устидан назоратни таъминлаш.

2. Солиқларнинг солиқ тўғрисидаги қонун ҳужжатларига мувофиқ Ўзбекистон Республикаси Давлат бюджетига ва давлат мақсадли жамғармаларига тўлиқ ҳамда ўз вақтида тушишини таъминлаш.

3. Солиқ тўловчиларни ва солиқ солиш объектлари ўз вақтида ҳамда ишончли ҳисобга олинишини таъминлаш, уларнинг тўлиқ қамраб олиниш механизмларини солиқ маъмуриятчилиги жараёнига замонавий ахборот-коммуникация технологиялари ва илғор автоматлаштирилган таҳлил услубларини кенг жорий этиш орқали такомиллаштириш.

4. Солиқ солинадиган базани кенгайтириш бўйича таҳлил қилиш ва таъсирчан чоралар ишлаб чиқиш, шу жумладан макроиқтисодий кўрсаткичларнинг ўзгариши ва ҳудудларнинг солиқ салоҳиятини тизимли таҳлил қилиш орқали таъсирчан чоралар ишлаб чиқиш, солиқлар йиғилишини ошириш бўйича чораларни амалга ошириш, солиқ назоратини амалга оширишнинг замонавий услубларини жорий этиш, солиқларга оид ҳуқуқбузарликларнинг олдини олиш, уларни аниқлаш ва бартараф этиш бўйича комплекс тадбирларни бажариш.

5. Пул маблағларининг ғайриқонуний айланиши манбаларига барҳам бериш, аҳоли билан пулли ҳисоб-китобларни амалга оширувчи юридик ва жисмоний шахслар томонидан нақд пул тушумининг тўлиқ ва ўз вақтида топширилиши устидан мунтазам назоратни таъминлаш.

6. Солиқ тўловчилар билан ишлашни такомиллаштириш бўйича чоратадбирларни амалга ошириш, шу жумладан солиқ тўловчиларга мулоқотсиз электрон хизмат кўрсатишга ўтиш йўли билан амалга ошириш.

7. Солиқ тўловчиларга солиқ мажбуриятларини бажаришда ҳар томонлама кўмаклашиш.

8. Солиқларнинг ихтиёрий равишда тўланишини таъминлашга қаратилган, солиқ тўловчиларнинг ҳуқуқий маданиятини ошириш бўйича ишларни такомиллаштириш.

9. Хўжалик юритувчи субъектлар, юридик ва жисмоний шахсларнинг фаолиятини рағбатлантиришга, уларга зарур имтиёзлар ва преференциялар беришга доир қонун ҳужжатларини такомиллаштириш бўйича таклифлар киритиш.

10. Бозорлар ва савдо комплексларининг молия-хўжалик фаолияти, улар томонидан солиқ тўғрисидаги қонун ҳужжатларига риоя этилиши устидан назоратни амалга ошириш ҳамда уларнинг ҳудудида аниқланган ҳуқуқбузарликлар бўйича терговга қадар текширув ўтказиб, жиноят ишларини терговга тегишлилигига кўра ҳуқуқни муҳофаза қилувчи органларга топшириш.

11. Давлат ва хўжалик бошқаруви органлари, шунингдек маҳаллий давлат ҳокимияти органлари билан давлат бюджетини шакллантириш масалалари бўйича ҳамкорлик қилиш.

12. Юридик ва жисмоний шахслар томонидан валюта ҳамда экспорт-импорт операцияларини амалга ошириш чоғида қонун ҳужжатларига риоя этилиши устидан ўз ваколатлари доирасида назоратни амалга ошириш.

13. Кадрларни танлаш ва жой-жойига қўйиш, солиқ органларини юксак маънавий-ахлоқий сифатларга эга бўлган малакали ходимлар билан тўлдириш, коррупция ва ишга расмиятчилик билан ёндашиш фактларига барҳам бериш бўйича тизимли ишларни амалга ошириш, шунингдек ходимлар ўртасида ҳуқуқбузарликлар профилактикасини ва улар учун хизматни ўташнинг муносиб шарт-шароитлари яратилишини таъминлаш. [2].

Иқтисодиётни модернизациялаш шароитида мамлакатимиз солиқ тизимини ислоҳ қилиш ва унинг асосий йўналишларини белгилаш муҳим

аҳамиятга эгадир. Ҳозирги кунда Республикамизда ўтказилаётган солиқ ислохотлари натижасида солиқ тизимида қатор ижобий ўзгаришлар рўй бермоқда. Солиқларни бошқаришнинг замонавий методлари ва механизмлари жорий этилди, солиқ органларининг яхлит тизими яратилди, солиқ тизими хавфсизлигини таъминлаш давлат солиқ хизмати органлари фаолиятини илғор ахборот-коммуникация технологияларини қўллаган ҳолда модернизация қилиш ҳамда ишларни ташкил этишнинг замонавий шакл ва методларидан фойдаланиш самарадорлигининг оширилиши ва бошқа муҳим масалалар ҳал этилмоқда.

Мамлакат иқтисодиётини узоқ муддатли ривожлантириш борасида кенг қўламли ислохотлар амалга оширилаётган шароитда самарали солиққа тортиш тизими ва давлат солиқ хизмати органларининг уйғунлашган фаолияти алоҳида аҳамият касб этади. Давлат солиқ хизмати органлари фаолиятида таҳлил ва масофавий назорат-таҳлил ишларини амалга ошириш учун маълумотларни тўлиқ йиғиш ва қайта ишлашни таъминлайдиган замонавий, илғор ахборот-коммуникация технологияларини жорий этиш чораларини янада кучайтириш лозим.

Ўзбекистон Республикаси Президентининг 2018 йил 26 июндаги “Давлат солиқ хизмати органлари фаолиятини тубдан такомиллаштириш чоратadbирлари тўғрисида”ги ПҚ-3802-сонли қарорига мувофиқ Ўзбекистон Республикаси Давлат солиқ қўмитасига Маълумотларни қайта ишлаш марказини кенгайтириш, замонавий электрон маъмуриятчилик тизимини, жумладан электрон ҳисобварақ-фактураларни ҳисобга олиш ва онлайн назорат-касса машиналарини автоматлаштирилган мониторинг қилиш тизими дастурий маҳсулотларини жорий этиш, солиқ маъмуриятчилиги самарадорлигини оширишга кўмаклашувчи солиқ тўғрисидаги қонун ҳужжатларини ишлаб чиқиш ва қўллаш методологияси такомиллаштирилиши кўрсатиб ўтилган.[3].

1-жадвал

Давлат солиқ хизмати ҳудудий органлари бошқарув ходимларининг
чекланган сони

Т/р	Давлат солиқ хизмати органлари	Давлат солиқ хизмати органлари ходимлари чекланган сони	Шундан:	
			давлат солиқ бошқармалари	туманлар (шаҳарлар) давлат солиқ инспекциялари
1.	Қорақалпоғистон Республикаси	613	88	525
2.	Андижон вилояти	873	91	782
3.	Бухоро вилояти	722	89	633
4.	Жиззах вилояти	500	77	423
5.	Қашқадарё вилояти	739	85	654
6.	Навоий вилояти	445	77	368
7.	Наманган вилояти	727	85	642
8.	Самарқанд вилояти	973	97	876
9.	Сурхондарё вилояти	608	84	524
10.	Сирдарё вилояти	503	81	422
11.	Тошкент вилояти	1 238	112	1 126
12.	Фарғона вилояти	1 181	96	1 085
13.	Хоразм вилояти	669	84	585
14.	Тошкент шаҳар	1 855	156	1 699
Жами		11 646	1 302	10 344

Манба. Ўзбекистон Республикаси Давлат Солиқ Қўмитаси маълумотлари

Солиқ тизимининг моддий-техник базаси тобора мустаҳкамланаётгани замонавий ва илғор компьютер технологияларидан унумли фойдаланиш, давлат солиқ хизмати органларининг ўзаро алоқалари самарадорлигини сезиларли даражада ошириш, маълумотларни йиғиш, қайта ишлаш ва таҳлил қилиш жараёнларини автоматлаштириш имконини бермоқда.

Давлат солиқ органлари томонидан 39 турдаги дастурий маҳсуллар бўйича давлат хизматлари кўрсатилмоқда.

Ўзбекистон Республикаси солиқ тизимидаги дастурий маҳсуллар қуйидагилардан иборат:

- 1.«Солиқ инспекторининг автоматлаштирилган иш жойи (СИИЖ-4)»
- 2.«Қайта ишлаш ва таҳлил»
- 3.«Тўловлар мониторинги»
- 4.«Экспорт-импорт операцияларини назорат қилиш»
- 5.«Солиқ тўловчиларнинг эгалигидаги ер фонди»
- 6.«Таҳлика таҳлил»
- 7.«Жисмоний шахсларнинг солиқ мажбуриятларини ҳисобга олиш»
- 8.«Солиқ декларацияларини қайта ишлаш»

9.«Бозорлар ва савдо комплексларида бир марталик йиғимлар, кўрсатилган хизматлар учун ҳақлар ва ижара тўловлари ҳисобини юритиш ва назорат қилиш»

Давлат солиқ хизмати органларидаги ахборот тизимлари ва технологияларининг таркиби қуйидагича белгиланган:

1.«Давлат бюджети ва мақсадли жамғармаларига тушумлар ҳисобини юритиш»

2.«Банк-ДСҚ»

3.«Жамғариб бориладиган пенсия бадали кунлик тушумларини қайта ишлаш»

4.«Компьютер техникасини ҳисобга олиш тизими»

5.«Давлат солиқ қўмитаси томонидан амалиётга жорий этилган дастурий маҳсуллардан фойдаланиш даражасини аниқлаш»

6.«Давлат солиқ хизмати органларида интерактив хизматлар кўрсатиш бўйича масъул ходимлар ҳисобини юритиш»

7.«Солиқ тўловчилар тарихи»

8.«Интерактив хизматлардан фойдаланиш статистикаси»

9.«Юридик ва жисмоний шахсларнинг солиқ қарзлари ҳисобини юритиш»

10 «Солиқ қарзини юритиш ҳисоботи»

11.«Юридик шахслар имтиёзлари ҳисобини юритиш»

12.«Электрон тарзда юборилган ҳисоботларини қабул қилиш (WEFOINS)»

13.«Молия-хўжалик фаолиятини амалга оширмаётган корхоналарни тугатиш тартиби»

14.«Юридик шахслар бўйича статистик маълумот»

15.«Қўшилган қиймат солиғи тўловчиларни аниқлаш»

16.«Давлат даромадига ўтказиладиган мол-мулклар ҳисобини юритиш»

17.«Якка тартибдаги тадбиркорлардан ҳисоботларни электрон шаклда қабул қилиш ва қайта ишлаш»

18.«Давлат божи»

19.«Солиқ тўловчи жисмоний шахслар ҳақида маълумот»

20.«Солиқ текширувлари ҳисобини юритиш»

21.«Текширувчи ходимларнинг хизмат сафари буйруқлари ҳисобини юритиш»

22.«Назорат касса машиналарини рўйхати ва назоратини олиш»

23.«Нақд пул тушумлари ҳисобини юритиш»

24.«Маъмурий амалиётни ҳисобга олиш»

25.«Молиявий санкцияларни суд тартибида қўллаш тўғрисида давлат солиқ хизмати органларининг мурожатлари ва уларнинг натижалари ҳисобини юритиш»

26.«Текширишларни мувофиқлаштириш»

27.«Кадрларга оид маълумотлар базаси»

28.«Хужжатлар бажарилишини назорат қилишнинг автоматлаштирилган тизими»

29.«Ички идоравий хужжатлар электрон ахборот тизими»

30.«Қуйи давлат солиқ хизмати органлари фаолиятини масофадан туриб назорат қилиш тизими»

Ўзбекистон Республикаси Президентининг 2018 йил 13 декабрдаги «Ўзбекистон Республикаси давлат бошқарувига рақамли иқтисодиёт, электрон ҳукумат ҳамда ахборот тизимларини жорий этиш бўйича қўшимча чора-тадбирлар тўғрисида»ги ПФ-5598-сонли фармонида мувофиқ мамлакатимизда маъмурий тартиботлардан ўтишни соддалаштириш, аҳоли турмуши сифатини ошириш, инвестиция ва ишбилармонлик муҳитини яхшилашга қаратилган электрон ҳукуматни, шу жумладан давлат хизматларини кўрсатиш тизимини модернизация қилиш ва ривожлантириш борасида изчил чоралар кўрилмоқда.

Ўзбекистон Республикаси Президентининг «Рақамли иқтисодиётни ривожлантириш мақсадида рақамли инфратузилмани янада модернизация қилиш чора-тадбирлари тўғрисида» 2018 йил 21 ноябрдаги ПҚ-4022-сонли қарорига мувофиқ Агентлик томонидан «Рақамли ишонч» рақамли иқтисодиётни ривожлантиришни қўллаб-қувватлаш жамғармаси билан биргаликда барча давлат хизматлари фақатгина операторнинг маълумотларни қайта ишлаш марказлари орқали кўрсатилишини таъминлашни назарда тутадиган 2019-2021 йилларда «Universal Mobile Systems» МЧЖни ривожлантириш Концепцияси ишлаб чиқилмоқда. [4].

Ўзбекистон Республикаси Вазирлар Маҳкамасининг 2019 йил 21 февралдаги «Тошкент шаҳрида онлайн назорат-касса машиналарини қўллаш бўйича тажриба лойиҳасини амалга ошириш чора-тадбирлари тўғрисида»ги 150-сонли қарорига мувофиқ Ўзбекистон Республикаси Президентининг «Инновацион лойиҳаларни амалга ошириш ва идоравий ахборот тизимларини жадал интеграциялашувининг ташкилий чора-тадбирлари тўғрисида» 2018 йил 18 апрелдаги ПҚ-3673-сонли қарорида Ўзбекистон Республикаси Давлат солиқ қўмитасининг бюджетдан ташқари маблағлари ҳисобига Тошкент шаҳрида онлайн назорат-касса машиналарини қўллаш бўйича тажриба лойиҳасини ишга тушириш ва тажриба лойиҳасини амалга ошириш доирасида Ўзбекистон Республикаси Давлат солиқ қўмитаси ҳузуридаги «Янги технологиялар» илмий-ахборот маркази ДУК сотилган маҳсулотлар (ишлар ва хизматлар) бўйича реализация вақти ва жойини кўрсатган ҳолда маълумотларни давлат солиқ хизмати органларига онлайн режимида узатишни таъминловчи замонавий назорат-касса машиналарини қўллаш орқали савдо ва хизматлар кўрсатиш соҳасидаги тушумларни автоматлаштирилган назорат қилиш тизимининг фискал маълумотлар оператори этиб белгиланди. [5].

Солиқ маъмурчилигини сифатини оширишининг асосий йўналиши ахборот-коммуникация технологиялари тизимидан самарали фойдаланишни кенгайтиришни босқичма-босқич татбиқ этиш ҳисобланади. Электрон хужжатлар айланишига ўтиш солиқ назорати ва ахборотларни қабул қилишни

енгиллаштириб соддалаштиради. Давлат солиқ хизмати органларининг самарали фаолияти фойдаланилаётган ахборот-коммуникация технологияларининг илмий-техник даражасига боғлиқдир. Солиқ тизимининг моддий-техник базаси тобора мустаҳкамланаётгани замонавий ва илғор компьютер технологияларидан унумли фойдаланиш имконини бермоқда.

Хулоса қилиб шуни айтиш мумкинки, давлат солиқ хизмати органлари тизимида ахборот-коммуникация технологияларидан самарали фойдаланишда қуйидаги вазифаларни амалга ошириш зарур:

Биринчидан, солиқ маъмуриятчилиги жараёнига замонавий ахборот-коммуникация технологиялари ва таҳлилнинг илғор автоматлаштирилган услублари, электрон ҳисобварақ-фактураларни ҳисобга олиш ва онлайн назорат-касса машиналарининг автоматлаштирилган мониторинги бўйича дастурий маҳсулотлар жорий этилиши ҳамда самарали фаолият кўрсатадиган солиқ маъмуриятчилиги ва назоратининг мутлақо янги тизимини яратиш лозим.

Иккинчидан, солиқ тўловчилар ва солиқ солиш объектларининг ўз вақтида ҳамда ишончли ҳисобга олинишини таъминлаш, уларни солиқ маъмуриятчилиги жараёнига замонавий ахборот-коммуникация технологияларини ва илғор автоматлаштирилган таҳлил услубларини кенг жорий этган ҳолда тўлиқ қамраб олиш механизмларини такомиллаштириш керак.

Учинчидан, солиқ маъмурчилигида ахборот-коммуникация технологияларининг ташкилий-техник оптимизация моделларини ишлаб чиқиш лозим.

Тўртинчидан, давлат солиқ хизмати органлари тизимида ахборот-коммуникация технологияларидан самарали фойдаланиш тўғрисидаги концепция ва методологик қоидалар тизимига асосланиб, давлат солиқ хизмати органлари тизимида ахборот-коммуникация технологияларини татбиқ этиш бўйича самарали стратегияни белгилаш лозим.

Бешинчидан, илғор ахборот-коммуникация технологияларини қўллаган ҳолда ишларни ташкил этишнинг замонавий шакл ва методларидан зарур даражада фойдаланиш, солиқ қонунчилиги бузилишларининг олдини олиш, уларни аниқлаш ва бартараф этиш бўйича ахборот-таҳлилий ишларни олиб бориш лозим.

Олтинчидан, мамлакатимизда тўпланган ва чет эл тажрибасини ҳисобга олган ҳолда солиқ органлари тизимини янада модернизация қилиш, назорат қилувчи органлар функцияларидаги бир-бирини такрорлашларни бартараф этиш, республика фискал-молия органлари тузилмасида солиқ органларининг, энг аввало, қабул қилинган солиқ қонунчилигини ва давлат бюджетининг даромад қисмини шакллантириш бўйича белгиланган топшириқларни бажариш масалаларидаги ваколатларини кенгайтириш керак.

Адабиётлар

1. 2019 йил – «Фаол инвестициялар ва ижтимоий ривожланиш йили» Ўзбекистон Республикаси Президенти Шавкат Мирзиёевнинг 2018 йил 28 декабрдаги Олий Мажлисга Мурожаатномаси// “Халқ сўзи”, 2018 йил 29 декабрь.
2. Ўзбекистон Республикасининг “Давлат солиқ хизмати тўғрисида”ги қонуни. 1997 йил 29 август. Ўзбекистон Республикаси қонун ҳужжатлари тўплами, 474-I-сон
3. Ўзбекистон Республикаси Президентининг 2018 йил 26 июндаги “Давлат солиқ хизмати органлари фаолиятини тубдан такомиллаштириш чора-тадбирлари тўғрисида”ги ПҚ-3802-сонли қарори
4. Ўзбекистон Республикаси Президентининг 2018 йил 13 декабрдаги “Ўзбекистон Республикаси давлат бошқарувига рақамли иқтисодиёт, электрон ҳукумат ҳамда ахборот тизимларини жорий этиш бўйича қўшимча чора-тадбирлар тўғрисида”ги ПФ-5598-сонли фармони
5. Ўзбекистон Республикаси Вазирлар Маҳкамасининг 2019 йил 21 февралдаги “Тошкент шаҳрида онлайн назорат-касса машиналарини қўллаш бўйича тажриба лойиҳасини амалга ошириш чора-тадбирлари тўғрисида”ги 150-сонли қарори
6. www.soliq.uz
7. www.mf.uz
8. www.lex.uz

ЎЗБЕКИСТОНДА КИЧИК БИЗНЕС ВА ХУСУСИЙ ТАДБИРКОРЛИКНИ МИКРОМОЛИЯЛАШТИРИШНИНГ ИҚТИСОДИЙ АҲАМИЯТИ

Султанова Нилуфар Илхомовна¹

¹Банк иши кафедраси ассистенти, ТДИУ,
e-mail: n.sultanova@tsue.uz

Мамалакатимиз мустақилликга эришгандан сўнг барча соҳалар каби кичик бизнес ва хусусий тадбиркорлик субъектлари фаолиятини янада ривожлантириш, айниқса, аҳолини кам таъминланган, лекин иқтисодий фаол қатламларини тадбиркорлик фаоллияти билан машғул бўлишга имкон яратиш, шу билан бирга иқтисодий фаоллигини юксалтириб, фаровонлигини ошириб боришга катта эътибор берилмоқда.

Хусусан, республикамізда кичик бизнес ва хусусий тадбиркорлик субъектлари йилдан-йилга ўз мавқеини мустаҳкамлаб бормоқда. Улар маҳаллий